

РСФСР-нь Верховнай Советт 1-це созывонь Колмоце Сессияц

ДЕПУТАТТ И. Н. КУПРИЯНОВТ РЕЧЕЦ

Верховнай Советонь депутат ялгат! Кизоста кизос касы минь Российский Советский Федеративнай Социалистический Республиканьконь бюджетот. Бюджетт эрь цифрасонза няевихть пяк оцю созидательнай работань тефне, няевихть народнай хозяйствать сембе отраслянзон и Советский Союзонь трудяшайхнень материальной и культурнай уровеньон сяда товодонь касомаса пяк оцю возможностне.

Депутат ялгат! Минь Мордовский Автономнай Советский Социалистический Республикасонк, кода великай Советский Союзт пяльксонц эса, тиевсть оцю измененият промышленностьса, велень хозяйстваса и социально-культурнай строительстваса.

Сталинский кафта пятилеткатнень пингста Мордовияса одукс тиф промышленность, конац вооружандаф инь од оборудованьяса и техникаса—стройка 20 лама промышленнай предприятия. Правительствать решениянц коряс тя кизоня строяви электроприборонь оцю завод. 1939 кизоня минь социалистический предприятиянке макссть валовой продукция 71 миллион цалковайн питне, мезсь означает касома 1938 кизоть коряс 19 процентта.

Велень хозяйстваса тяфта жа сатфт оцю успехт колхознень организационно-хозяйственнай кемокстамаса, видема площадтнень келептемаса, колхознай паксятнень урожайностьсон касфтома-са.

Тянди яркай примеркс ащи ся, што 1939 кизоня Мордовский АССР-ста ульсь кучф 719 участник сельскохозяйственной выставк, конатнень эзда 72 участникс получаст наградат Главвыставкомт эзда. Сельскохозяйственной выставкань тя кизонь участникне макссть 1.270 экспонат.

Однако эряви признать, што минь республиканьконь велень хозяйствац ламода нинге ашезень использованда сембе эсь внутреннай ресурсанзон. Колхознень урожайностьса республикаса тяниень пингт самс аф оцю, сембодонга пяк аф благоприятнай, засушливай кизотнень пингста.

Засушливай кизотнень пингста аф оцю урожайностьс азондови, васендакиге, агротехнической мeroприятитнень аф удовлетвори-тельнойста пшкотькшнемасон мархта и республикаса велень хозяйствать лангса руководствать оцю аф сатыксонзон мархта. Шорай урожайности тяфта жа тягловай виный и лама сельскохозяйственной машинань аф сатыксь.

Лувомок сянь, што тягловай виный и сельскохозяйственной машинань аф сатыксь ащи оцю тормозкс велень хозяйствать развитияса, минь эняльтьяма лездомс Мордовский республикати пшкodemc сонь тракторнай парконц 1940 кизоня 100 тракторда и максомс несколько уборочнай сельскохозяйственной машина. Сяда башка, минь эняльтьяма мярьгомс Мордовский республикати организовандамс текущей ремонтонь 10—15 мастерской одс организовандаф МТС-иди и строямс

Саранск ошса фкя автотракторнай ремонтнай завод.

РСФСР-нь правительствать указаниянц коряс минь тага весть одукс ваноськ производственной



программать местнай промышленностень Наркоматт предприятиянзон эзга и лувоськ эрявиксонди касфтомс сверхплановой продукцият нолдаманц местнай промышленностень Наркоматт лама предприятиянзон эзга 4,5 миллион цалковайда.

Тянь коряс дополнительный оборотнай средстватненди потребность касонды 766 тьожань цалковайда. Минь эняльтьяма Верховнай Советти арьсемс ня средстватнень Мордовский автономнай республикати бюджетса.

Районнай центрать благоустройстванц ноляви 15—25 тьожань цалковай. Сяка пингт лама районнай центрава, сембода пяк одс организовандафнень эса, учреждениянень размещениясна пяк аф удовлетворительнай. Минь вынужденайхтьяма латцемс кой-кона учреждениянень колхознай кудга. Сяс мон эняльдян касфтомс ассигнованиятнень районнай центратнень благоустройствасонды и артезианский эшиень строяманди Козловский, Атяшевский и лия райоттнень эса 300 тьожань цалковайда.

Сяда башка, одс организовандаф районнай центратнень эса—Кадошкинскийса, Ширингушскийса жилищнай строительстванди минь эняльтьяма нолдамс 330 тьожань цалковай.

Республикати территорияса улихть оцю вирыхть. Однака тя вирть эзда капиталнай строительствань нужданди минь встречнай перевозкатнень колга уликс

законть коряс не можем получамс, хотя и вирень массивне ащихть сембоц 90—150 километрань вастса.

Сянь инкса, штоба обеспечимс 1940 кизонь капиталнай строительствань плант и штоба правильнайста использовандам подвижной составт, кона шавоста моли Ленинскийста Пензенский кити, минь эняльтьяма разрешить Мордовский республикати усксемс лесогруст Ленинский киста Пензенскийста Саранск ошса строительстванди.

Правительствать решениянц коряс касфневи Саранский ТЭЦ-ть мощностец 10.000 к/ватти модемс. Тя кизотькиге ни 2.100 к/ватт вастс эряви пачфтемс ТЭЦ-ть мощностец 6.100 к/ватти модемс. Тянь коряс топливада эрявксты 145 тьожань тонна кизоти, а строительствать аделамдонза меле—200.000 тонна.

Сяка йоткть минь уликс торфоболотаньконь освоениясонды аноклань работат аф йотафневихть. Тяфта, Саранский ТЭЦ-ти топливать колга кизефксьс апаркешандак. Тяниень пингт торфсь усксеви 20—30 километрань вастста. Эряви касфтомс автотранспортс, кона ули строительстваса, и нолямс тейнза эрявикс лувксса горючай.

Текстильнай промышленностень Наркоматс аф шарфни сатомшка мяль ся кизефксьнень решандамсонды, конат содонфт торфоболотатнень освоениясон мархта.

Мон эняльдян Народнай Комиссаронь Советти максомс РСФСР-нь текстильнай промышленностень Наркоматти указаниа эрявикс средствань явоштомать колга торфонь таргамаса подготовительнай работанди, васендакиге машинакинь веткань строямс болотат эзда сявомок погрузочнай площадкати модемс 40 километрань кувалмоса.

Вов ся замечаниятне, конатнень мон йорайне тиёмс минь Российский Советский Федеративнай Социалистический Республиканьконь государственнай бюджетонц колга докладть коряс.

Представленнай государственнай бюджетт проектоц обяывает минь кемоста работамс сянь лангса, штоба марнек пшкodemc сонь кода дохоттнень коряс, тяфта и расхоттнень коряс, вишкodemc решительнай тюрема финансовобюджетнай дисциплинать нарушителензон каршес, вешемс сембе организациятнень и учреждениятнень ширде, штоба пшкотькшнелезь эсь обязательствасон государствать инголе.

Шумбра улеза минь Ленинонь—Сталинонь великай партиянке!

Шумбра улеза великай Сталинц! (Аплодисментт).

Весяласта йотафнесазь досугсон

Сире Каньгуш велень изба-читальнясь од ломаттненди и колхозникненди арась культурнай центракс. Изба-читальнять видеса ули библиотека, коса ули художественнай и политический цебарь литература.

Од ломаттне и колхозникне работата меле якяхть изба-читаль-

няв, коса культурнайста и весяласта йотафнесазь эсь свободнай пингсон. Ламотне синь йоткостнахксихть шашкаса, шахматса, морсихть гармоньса, лувондыхть газетат и ст. тов.

Леша Икомасов.

Ельниковский район.

Ленинградский Военнай Округт штабонц сообщенияц

Финляндияса официална об'явленнай, што финско-советский конфликтт пингста финский имафкста ульсь 66406 ломань, тяка лувксса 2594 офицер, 11564 унтер-офицер и 52248 солдат. Шавф—19576 ломань, имась куляфтома—3263, ранендаф—43,5 тьожань ломань. Фиттнень мнениясон коряс нинге сяда оцюфтольхть имафксне войнать мекольдень неделянзон пингста, Карельский перешейкати и Ладожский эрхть северо-западнай ширесонза сражениятнень пингста.

Ленинградский военнай округт штабонц лувондсы эстейнза долгокс азомс, што официалнай военнай власттнень вьре азф „даннайсна“ грубайста искажандакшнесазь советско-финский конфликтт пингста фиттнень имафксон колга действительнай картинать. Тевса жа фиттне имафтсь бойхнен пингста шавфста 70 тьожаньда лама ломань, а кда лувомс ранатнень эзда кулофнен, аф 15 тьожаньда лама ломань, то фиттне сембоц имафтсь аф 85 тьожаньда кржа шавфста. Фиттнень жа имафксна ранендафста 250 тьожаньда лама ломань.

Тянь коряс, кда лувомс конфликтт пингста финский армиять составонц 600 тьожань ломаньца, конатнень эзда лучшай случайста боеспособнайкс можна лувомс армиять аныцек кафта колмоцкс пяльксонц, то лисенди, што фиттне имафтозь эсь армиясон сембе боеспособнай пяльксонц. Лиякс мярьгомс конфликтт аделавома пили фиттне илядсть армияфтома. Тянь мархта и азондови, што фиттне, конат иваткшнесть эсь победасон колга, сянь колга, што кда лия ширде тейст ули максф лезкс, то синь застава-сазь советский армиять сатомс Россияса наполеоновский армиять судьбанц,—ульсь вынужденнайхть тиёмс капитуляция Карельский перешейкати лангс советский войскактнень васенце серьезнай удардост меле эстакиге, аф ваномок сянь лангс, што тейст максмекс лезкс Норвегияста, Швецияста, Англияста, США-ста, Францияста и лия государстватнень ширде.

Фиттне сьормадыхть, што синь кандсть оцю имафкст „Карельский перешейкаса тюремаса“ конфликтт мекольце неделять пингста, но синь аф корхтайхть, мзяра жа синь имафтсь нят сражениятнен пингста. Ленинградский военнай округт штабонц неопровержимай даннайза няфнесазь, што аныцек февральть 11-це шистонза сявомок, мзяра советский войскактне ушедозь эсь наступлениясон Карельский перешейкати лангс, мартть 12-це шинцы модемс, илякс мярьгомс конфликтт аделаманцы, фиттне имафтсь средняйста лувозь эрь шиня аф кафта тьожаньда кржа шавфста.

Штабсь вынужденнай печатламс ня даннайхнен сянкса, штоба пуртомс пе ся смехотворнай васькафнемати, конанц систематически распространядакшнесазь финский, европейский и американский печатсь советско-финский конфликтт пингста фиттнен действительнай имафксон колга.

Жуватань поголовьять касфтоманц инкса

Колхознай и общественной животноводства поголовья сядатоволдон касфтоманц колга кизефксть лангс оцю мяль шарфнихть Каньгуш велень „Путь к социализму“ колхозонь руководителхне и колхозникне.

Тядень кизонь тундаты колхозсь петезень животноводческий фермань дворонзон. МТФ-нь, ОТФ-нь и СТФ-нь двороненди колхозсь тийсь чистка, ускесезень синь потмостост назепнень колхознай паксав.

Колхозть МТФ-сонза лувондови стахановкакс, передовой дояркакс, Кирдяева Екатеринась. Сон 1939 кизоня мельганза кемокстаф 10 потчама траксень мельге цебарьста якамать мархта касфть 10 вазнят. Кирдяевась молоднякть касфтозе цебарь упитанностьса. Цебарь работанкса Кирдяева ялгась ульсь участникомс Всесоюзнай велень хозяйствань выставкаса йотай кизоть. Сон путнесы сембе вийнц сянди, штоба тядень кизотьке сатомс ВСХВ-са участиянь права.

Филипп Черапкин.

Ельнинковский район.


Ванфтомс вашенятнень

Монь бригаде ащи 3 ломаньцта. 1939 кизоть йотамс эсь бригадзень мархта искусственна осеменил 132 эльде, конатнень эзда лувондови вашукс 80 процентсь. Сембе условиянь пингста ульть кода сатомс, штоба сембе эльтне ульхть вашуфт. Но колхозса апак аноклазхть помещенитне и безобразна йотафтф случной кампаниясь. Тянь лангс кржа мяльда шарфнень колхозонь правлениясь и бригадирхне.

Сувамок сталинский колмоце пятилеткать лемс социалистический соревнованияс животноводства развития инкса, сявонь эсь лангзон обязательства, штоба 1940 кизоня сембе эльтне вашильхть и ванфтомс сембе вашенятнень. Тя максы тейне и колхозти возможность арамс Всесоюзнай вельхозяйствань выставкаса участникомс кандидаткс 1940 кизоня.

Буденнай колхозть зоотехникоц П. ФЕДАЕВ.

Саранский район.



Майть 15-це шистонза 1940-к. Москва ульсь панчф Всесоюзнай сельскохозяйственной выставки.

СНИМКАСА: Главмясо павильонть ширде механизация павильонть видоц.

(Фото-клишесъ ТАСС-ть).



Таджикский ССР-нь Верховнай Советть Президиумонц почетнай грамотанц и ценнай подарка получась „Новая жизнь“ колхозста колхозниксь Назар Мурадовсь, конац максси лезкс пограничникенди кунцемс границань нарушительхнень.

СНИМКАСА: Назар Мурадовсь няфти пограничникенди нарушительть следонзон.

(Фото-клишесъ ТАСС-ть).

Примернай комсомолец

Сембе ширде анокста васьфтезь выпускной испытаниятнень Краснослободский педучилищань студентне.

Тяса сембе педагогический состав испытанияда инголе систематически йотафнень консультации, кося макссезь оцю лезкс студенттненди испытаниятненди анокламаса.

Тяда башка испытаниятненди анокламаса оцю работа вятсь комсомольский организациясь (секретарсь Кожевников). Кошелев,

Шишканова, Нестерова, Трушина и лама лия отличникне-комсомольце путнезь сембе вийсон, штоба эсь классот испытаниятнень пингста афоль кадов фявок второгоникокс. Синь келепнезь студенттнень йоткса социалистический соревнованиять, калдявстатонафни комсомольцень колга путнезь кизефкст комсомольский собранияса и макссезь эрявикс лезкс.

И. Асташкин.

Краснослободский район.

Калдяв отметка кивок изь получа

Сире Теризморга велень аф полнай средняй школаса майть 20—23-це шинзон пингста йотафтф испытаният кафта дисциплинань коряс. Нят испытаниятнень эса ученикнень эзда калдяв отметка кивок изь получа.

Испытаниятнень эса образец няфнихть Каргин Ф. Ф., Овтина А. А., Живайкин А. В., Кокорев Н. и лия ученикне. Синь васенец испытаниятнень максозь отличнай оценкаса.

Школань сембе ученикне тюрхить испытаниятнень образцовыста йотафтомаснон инкса. Тяса сембе ученикне эрь дисциплинать коряс испытаниятненди сашендыхть аныцек анокста.

Н. Шестаков.

Сире Шайговань район.

Ялгань лезксть вельде

Ковылкинский 43-це № железнодорожной средняй школань 10-це классонь ученикне испытаниятненди аноклакшность коллективна.

Ученикне - отличникне макссезь ялгань лезкс сядатлафчстатонафни ученикненди. Тяфта, на пример, В. Радинць макссезь лезкс Ванюхин и Рогожин ученикненди, Марковась—Циликина и Федосеева ученикненди.

Упорнай работать и ялгань лезксть результатна, кода няфтезь испытаниятне, аф калдяфт. Майть 23-це шистонза ученикне кирдсть испытания устна литературать коряс, конань эса ученикне няфтсть тяфтама результатт: 24 ученикть эзда 6получасть отличнай оценкат, 13—цебархть и 5—посредственнайхть.

М. Водякова.

Пионерхне юкстафт

Сире Теризморга велень аф полнай средняй школань пионерхнень йоткса мекольдень пингть лоткафтф сембе воспитательнай работась.

3-це классонь пионерхнень йоткса работать четкайста ладяманцты улихть сембе возможностьтне. Тяса иттенди ули коза мо-

лемс экскурсияс, ули кося налкхсемс. Но нят сембе возможностьтне аф использовандакшневихть, сяс мес пионервожатайсь Пачкова ялгась работаса аф няфти кодамовок инициатива.

Н. Ш.

Сире Шайговань район.

Од ломанень звенась срадсь

Тядень кизоть Сире Маманя велень советонь Мичуринть лемса колхозса ульсь организовандаф комсомольско-молодежнай звена. Колхозонь председателсь Кочковсь од ломанень звенати ашезь макс работань условият—эрявикс инвентарь, алашат и башка участка, конань сюнеда звенась срадсь,

работай марса иляды колхозникнень мархта.

Тянь лангс комсомольский организациясь кодамовок мяль ашезь шарфне. Од ломатне надияхть, што маластонь пингть звенась ули организовандаф меки.

П. Волков.

Рыбкинань район.

Западной Европаса войнась

Июнь 2-це шистонза. Майть 31-це шистонза сявомок июнь 1-це шинцты модемс Дюнкеркть инкса бойхне мольсть оцю ожесточения мархта. Германский командованиясь Дюнкеркть каршес йордась оцю вийхть. Июнь 1-це шистонза германский войскактенди удалась фатямс Дюнкерский укрепленный лагерь восточнай крайнай точканзон. Дюнкеркть лангс немецнень основной атакана вятевихть восток ширде. Дюнкерк ошть западнай ширесонза ащи районць заболоченый и тянь сюнеда арси германский армиять бронетачковой частензонды пцтай аф доступнайкс.

Дюнкерк ошть тяниень пингть арась развалинань грудакс. Портовой сооружениатне машффт, и транспортнай оцю суднатненди аш кода шаштомс берягу. Союзникнень войскаснон эвакуациясна мольфтеви йомла суднянса, конат сядат аф токавихть и сядат вишкста могут йотамс английский инь маластонь портти—Дувратий модемс аф оцю расстояниять (сембоц 40 километра).

Дюнкерский укрепленный лагерьть продолжительнай обороначазонкшневи тяфтама причина: 1) Дюнкеркса лама огневой средства пуроптомать, союзниконь лама войскань концентрациять мархта; 2) Дюнкерский гарнизонтть англичаттнень военно-морской вийсон ширде кеме подержканц мархта; 3) английский истребительнай авиациять активной действиязон мархта; 4) дюнкерский укрепленный лагерьть перф естественнай и искусственной воднай преградатнень мархта.

Германский авиациясь тийсь налет Франциять южнай промышленнай центрзон—Лионть и Марсельть лангс и сязезе Лион—Марсель машина кинь линиять. Германский авиациясь кемоста бомбардировандазень Дюнкерк районца военно-морской транспортнай суднатнень и живой вийхнень.

Союзникнень авиациясна ограничивали эсь боевой действияснон Севернай Франциять райононц вельксса боевой действиятнень мархта. Воздухса превосходствась, кода и инголе, кирневи немецнень мархта, Нарвикть района германский войскактне кирдихть Нарвикть восток ширеса позициятнень и аф нолясазь союзникнень тя шири инголи модемаснон. Шаштомок Тронхеймаста Нарвикти, германский частьтне занязь Бодеть.

Гитлertz приказоц

Германский информационный бюрос пачфни Гитлertz приказонц, конац максф Голландияса германский вооруженнай вийхнень командирсонды.

Приказть эса корхтати, што голландский армиять палец ули нолдаф куду. Васень очередсатя касаетсь ся солдаттненди, конат ульсь заняфт велень хозяйстваса, рудникнень и лия предприятиятнень эса. Голландский армиять иляды пяльскоц ули нолдаф аф ламнянь.

(ТАСС).

Ответ. редакторть заместителец И. ЧУДАЙКИН.